

Lauf Forks hf.
Ingólfsstræti 3
101 Reykjavík

Reykjavík, 12. mars 2020
UST202003-116/H.H.
09.07.01

Efni: Umsókn um leyfi til framkvæmda - Hjólreiðar - Friðland að Fjallabaki

Umhverfisstofnun hefur mótttekið umsókn Lauf Forks hf., dagsett 5. mars 2020, um leyfi fyrir hjólreiðarviðburði innan Friðlandsins að Fjallabaki.

Friðland að Fjallabaki er friðlýst sem sbr. auglýsing nr. 354/1979. Mannvirkjagerð, efnistaka og annað jarðrask innan friðlandsins er óheimilt nema með leyfi Umhverfisstofnunar. Óheimilt er að skemma gróður, trufla dýralíf að óþörfu og hrófla við bergmyndunum.

Lýsing verkefnis:

Um er að ræða hjólreiðaviðburð sem fer fram þann 27. júlí 2020. Hjólað verður frá Hvolsvelli um Fljótshlíð, um Fjallabak Syðra F210, yfir Krakatindaleið við Laufafell yfir í Dómadal og inn að Landmannahelli, út Dómadalinn til vesturs, niður veg 26 um 10 km, inn á veg 268 inn að Gunnarsholti og í gegnum Fljótshlíð til Hvolsvallar. Sótt er um að fá að setja upp drykkjarstöð við Landmannahelli – 2 tjóld (5x5m hvort) auk ferðaklósetts. Ráðgert er að setja aðstöðuna upp á tjaldsvæðinu eða þar sem skálavörðum og Umhverfisstofnun þykir heppilegast að staðsetja aðstöðuna. Einnig verða settir upp fánar og ruslatunnur. Gert er ráð fyrir að 700 hjólarar fari um svæðið á 12 klst. tímabili. Líklega hópar af mest 20 í einu. Þátttakendur verða upplýstir um mikilvægi þess að ganga vel um allt svæðið og viðurlög séu verði því ekki fylgt. Sé ástæða til mun verða notast við sérstakar jarðvegsmottur til að vernda svæðið.

Áhrifamat:

Umhverfisstofnun metur umræddan viðburð ekki líklegan til að valda neikvæðum áhrifum á verndargildi svæðisins til lengri tíma litið. Til skamms tíma mun viðburðurinn valda truflun fyrir gesti í Landmannahelli og umferð á vegum. Mögulegt rask á gróðri og jarðvegi er líklegt á tjaldsvæði í Landmannahelli og næsta umhverfi þess, en röskunin er afturkræf.

Umhverfisstofnun bendir á að fjöldi þátttakenda er umtalsvert fleiri en árið 2019 eða um 400 manns og því um mun stærri viðburð að ræða. Landmannahellir er á appelsínugulum lista vegna ágangs ferðamanna á náttúru svæðisins og skorts á innviðum til að taka á móti þeim. Af þeim sökum er mikilvægt að hópar sem eru á hverjum tíma í Landmannahelli séu ekki stórir og miðist við það sem kemur fram í lýsingu á framkvæmd viðburðarins eða 20 manns.

Skilyrði:

Umhverfisstofnun veitir fyrir sitt leyti leyfi fyrir uppsetningu drykkjarstöðvar og salernisaðstöðu á tjaldsvæðinu við Landmannahelli og uppsetningu merkinga við vegi innan Friðlands að Fjallabaki þann 27. júlí 2020 að uppfylltum eftirfarandi skilyrðum:

- Stjórnendur hjólreiðarkeppninar skili til Umhverfisstofnunar, a.m.k. viku áður en keppni hefst, áætlun um það hvernig staðið verði að framkvæmd keppninnar. Í áætlun skal m.a. koma fram, fjöldi þátttakenda og hvernig staðið verði að frágangi að viðburði loknum.
- Hafa skal þetta leyfi með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breytingar verður á tímasetningu verkefnis, með að minnsta kosti 5 daga fyrirvara, sé þess kostur. Að öðru leyti eins fljótt og auðið er.
- Auglýsa skal hjólreiðakeppnina vel og upplýsa gesti á svæðinu að um tímabundna truflun sé að ræða í friðlandinu á meðan á hjólreiðakeppninni stendur.
- Stjórnendur hjólreiðakeppninnar skulu vera í merktum fatnaði.
- Afmá skal öll ummerki verkefnisins á svæðinu að því loknu.
- Nákvæm staðsetning drykkjarstöðvar og salernisaðstöðu skal valin í samráði við Umhverfisstofnun. Skal aðstaðan vera vel afmörkuð til að takmarka stærð þess svæðis sem verður fyrir raski.
- Losun ferðsalerna fari fram á viðurkenndum losunarstað utan friðlandsins.
- Ef upp koma álitamál um framkvæmdir sem tengjast verkefninu og frágangi svæðisins skal hafa samband við Umhverfisstofnun í síma 591-2000.
- Aðstandendur viðburðarins tryggji að ekki verði skilinn eftir neinn úrgangur á víðavangi, hvorki á/við hjólaleiðir né á drykkjastöð. Einnig að tryggt verði að merkingar sem notaðar verða við að merkja hjólaleiðina verði fjarlægðar strax að viðburði loknum.
- Óheimilt er að trufla dýralíf, raska gróðri og jarðminjum.
- Allur akstur utan vega er bannaður.
- Óheimilt er að hjóla utan vega.
- Þátttakendur taki tillit til annara gesta svæðisins hvort sem er á tjaldstæði eða á þeim vegum sem hjólreiðarnar fara fram.
- Stjórnendur viðburðarins upplýsi þátttakendur um mikilvægi þess að halda sig á merktri hjólaleið til að koma í veg fyrir rask á viðkvæmum gróðri og jarðminjum.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda og/eða sveitarfélags og Vegagerðarinnar gæti þurft fyrir verkefninu. Einnig þarf leyfi rekstraraðila tjaldsvæðisins.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst

Hildur Hafbergsdóttir

Hildur Hafbergsdóttir
sérfræðingur

Hákon Ásgeirsson

Hákon Ásgeirsson
teymisstjóri